

Na osnovu člana 15. Zakona o principima lokalne samouprave u Federaciji BiH („Službene novine FBiH“ broj:49/06 i 51/09), člana 54. Zakona o sportu (Službene novine Kantona Sarajevo broj 45/12 - prečišćeni tekst), člana 10. Odluke o načinu provođenja javnog interesa Općine Novi Grad Sarajevo u oblasti sporta (Službene novine Kantona Sarajevo broj: 31/01 i 15/03), člana 81. Statuta Općine Novi Grad Sarajevo („Službene novine Kantona Sarajevo“ broj: 30/09 i 2/17), Strategije razvoja sporta Općine Novi Grad Sarajevo 2013-2018, člana 9. Odluke o organizaciji jedinstvenog općinskog organa uprave i stručne službe Općine Novi Grad Sarajevo („Službene novine Kantona Sarajevo“ broj: 6/17), na prijedlog Službe za obrazovanje, kulturu i sport, Općinski načelnik donosi:

**Pravilnik o izmjenama i dopunama Pravilnika o finansijskoj podršci djelovanja sportskih klubova/društava sa sjedištem na području Općine Novi Grad Sarajevo (prečišćeni tekst)
broj:02/06-04-7286/22 od 28.03.2022.g.**

U Pravilniku o izmjenama i dopunama Pravilnika o finansijskoj podršci djelovanja sportskih klubova/društava sa sjedištem na području Općine Novi Grad Sarajevo (prečišćeni tekst) broj:02/06-04-7286/22 od 28.03.2022.g. (u daljem tekstu Pravilnika), vrše se izmjene i dopune kako slijedi:

Član 1.

U preambuli Pravilnika riječi: „člana 81. Statuta Općine Novi Grad Sarajevo („Službene novine Kantona Sarajevo“ broj: 30/09 i 2/17)“ zamjenjuju se riječima: „člana 72 Statuta Općine Novi Grad Sarajevo („Službene novine Kantona Sarajevo“ broj: 01/24)“, riječi "2013-2018" zamjenjuju se riječima: "2021-2027." stavlja se zarez i dodaju se riječi: "(«Službene novine Kantona Sarajevo», broj:26/22) ".

Član 2.

U članu 3. stav (1) tačka B mijenja se i glasi:

- „Sportski klubovi/društva sa područja Općine Novi Grad Sarajevo, čiji seniorski timovi u ekipnim sportovima (olimpijski i paraolimpijski sportovi) (košarka, fudbal, odbojka i rukomet) su se takmičili u višem rangu (državnom ili federalnom prvenstvu) u protekloj takmičarskoj sezoni, ostvaruju pravo na fiksnu naknadu, koja se utvrđuje na bazi troškova učešća lige, prema troškovniku dostavljenom od strane matičnog saveza za navedeni rang takmičenja.
- Iznos fiksne naknade iz prethod alineje se utvrđuje na bazi slijedećih troškova lige: godišnja članarina, kotizacija, troškovi službenih lica za organizaciju domaćih utakmica (sudije, pomoćne sudije i delegati), licenciranje i registracija igrača prema troškovniku dostavljenom od strane nadležnih sportskih saveza.
- Sportski klubovi/društva sa područja Općine Novi Grad Sarajevo čiji seniori u kategoriji/pojedinačno (olimpijski i paraolimpijski sportovi), ostvare rezultat /normu za učešće na međunarodnim natjecanjima, na osnovu dostavljene potvrde o ostvarenom rezultatu nadležnih sportskih Saveza, utvrđuje se pravo na nagradu, kako slijedi:
 1. Oficijelno pojedinačno Europsko prvenstvo nagrada u iznosu do 2.000,00 KM
 2. Oficijelno pojedinačno Svjetsko prvenstvo nagrada u iznosu do 3.000,00 KM
 3. EYOF i Olimpijske igre- nagrada u iznosu do 4.000,00 KM

- Sportski klubovi/društva sa područja Općine Novi Grad Sarajevo čiji seniori u kategoriji/ekipno (olimpijski i paraolimpijski sportovi), ostvare rezultat/normu za učešće na međunarodnim natjecanjima, na osnovu dostavljene potvrde o ostvarenom rezultatu nadležnih sportskih Saveza, utvrđuje se pravo na nagradu za članove ekipe, kako sljede:
1. Oficijelno Europsko klupsko prvenstvo nagrada u iznosu do 4.000,00 KM
 2. Oficijelno Svjetsko klupsko prvenstvo nagrada u iznosu do 6.000,00 KM.
- Nagrade iz prethodne alineje implementiraju se do kraja tekuće godine, do utroška sredstva planiranih za ovu namjenu, proporcionalno na broj kandidata po normi u odnosu na nivo takmičenja i mogu biti ostvarena po jednoj od navedenih normi.
 - Zahtjev za dodjelu sredstava podnosi se putem protokola, Službi za obrazovanje, kulturu i sport Općine Novi Grad Sarajevo. Dostavljeni zahtjevi se rješavaju po vremenu prispijeća.
 - Izuzetno visina nagrada može biti manja ukoliko raspoloživa sredstva za ovu namjenu nisu dovoljna za isplatu sredstva u punom iznosu.
 - Na prijedlog Službe za obrazovanje, kulturu i sport Općinski načelnik donosi Odluku o isplati finansijskih sredstava na ime dodjele nagrade.

Član 3.

U članu 3. stav (2) alineja jedan mijenja se i glasi:

- „Klubovi individualnih sportova dobijaju broj bodova za postignuti rezultat, koji je naveden u tabeli "kriteriji i koeficijenti", na način da se koeficijent postignutog rezultata pomnoži sa jedan. U slučaju kada se iz individualnih sportova boduje ekipa onda se koeficijent postignutog rezultata pomnoži sa koeficijentom 2.5. Rezultati individualaca postignuti na ekipnim nastupima se ne mogu vrednovati u individualnim, samo se vrednuju kao ekipa. U slučaju da su individualci nastupili individualno i ekipno uzima se rezultat koji donosi više bodova i ide u korist takmičara.

Član 4.

U članu 3. stav (2) alineje četiri riječi "kalendarske godine" zamjenjuju se riječima „takmičarske sezone”.

Član 5.

U članu 3. stav (4) alineje jedan riječ " 5%" zamjenjuju se riječju: "10%”.

Član 6.

U članu 3. stav (4) TABELA KRITERIJA I KOEFICIJENTI redni broj III pod 9. riječi "0,6" zamjenjuju se riječju: "1", pod 10. riječi "0,4" zamjenjuju se riječju: "0,8", redni broj V pod 9. "riječi "0,6" zamjenjuju se riječju: "1", pod 10. riječi "0,4" zamjenjuju se riječju: "0,8”.

Član 7.

Pravilnik o izmjenama i dopunama Pravilnika o finansijskoj podršci djelovanja sportskih klubova/društava sa sjedištem na području Općine Novi Grad Sarajevo, stupa na snagu danom donošenja .

Broj:02/06-36-4118/24
Sarajevo, 20.02.2024 .g.



OPĆINSKI NAČELNIK
mr. Semir Efendić